

## DUE NOVEMBRE

*Simu a lu dù Novembri lagrimatu,  
Lu iornu pe li morti cunsacratu!*

*Lu celu cinnarusu e a sprazzi chiari,  
Di nivolati argentu spumiatu,  
Pari velu stendutu pe ammucciari  
Lu suli malatusu agghianchinatu!*

*Simu a lu dù Novembri lagrimatu,  
Lu iornu pe li morti cunsacratu!*

*Simu ntra la città silensiusa...  
Undi tuttu finisci, — e undi lu chiantu  
Tessi lu gran poema di la musa  
Cu nna palora: — Campusantu!...*

*Simu a lu dù Novembri lagrimatu,  
Lu iornu pe li morti cunsacratu!*

*Cruci, cipressi, ianchi munumenti,  
Surchi, curuni, candili aiumanti,  
E genti a lava: genti spasimanti,*

Chi movin'abbasciùni, a passi lenti,  
Cu li candil'ammano o Kjuri janchi,  
Cercandu fossi fossi li parenti!  
Poi si fermanu: comu di dolu stanchi!  
Ch'è jornu veramenti scunsulatu  
Stu jornu a luttu santu cunsacratu!

Cù s'addinocchia vicin'annu muru,  
Cù si ncurùpa (¹) nterra cù la fossa;  
Cù gira ca perdiu lu criaturu!  
Cù di sò mamma va cercandu l'ossa!

E nu lamentu di palori scuri  
Si senti ntra stu campu di dolùri!

Undi ti viju cchiù cumpagn'amata!...  
Venimi nsonnu puru pè na vota!  
Dimmi ca mi vo' beni natra fiàta!  
Ntra li tò vrazza stringimi ricòta! (²)  
E scrami senti: Oh! mamma! patri! soru!  
Figghiu!... fratuzzu!... caru mio!... trisòru!...  
Oh! di lu cori mio pinnèja d'oru,  
Na paroleja dimmi e poi mu moru.  
E cù li senti di li trapassàti

*Sti chianti, sti doluri e strazzi acuti?  
Finìu stu mundu! — sunn'addormentati,  
E pè l'eternità su surdi e muti!*

*Ma lu lamentu di palori scuri  
Cuntu è ntra stu campu di doluri! —*

*Addio bellizzi, addio sonni ndorati;  
Addio ricchizzi e addio grassi arriccùti!  
Finìru li festini e li mangiàti...  
Nenti superbi, nenti cchiù spanzùti!  
Addio grandizzi, addio cruci e curuni,  
Addio potenti, addio tiranni e avari...  
Fumèri e vermi sunnu Re e Baruni,  
Povari e ricchi, vermi tutti pari!*

*Latri: peccùì arrobastivu a stu mundu?  
Pe vermi di li fossi di stu fundu!*

*Addio capricci, addio furnicatùri...  
Ccà non s'accatta amuri cu dinàri!  
Mercanti vili di lu sacr'onùri...  
Di vermi siti carni di mangiari;*

*Li carni vostri tanti profumàti  
Fetinu di carogni mpalaccati!*



*E dormi mpaci oh! tu, donna perduta,  
Tu chi vindivi carni disijata!  
Nuju ti nsurta cchiù: — gran prostituta;  
Eternamenti dormi ndisturbata:*

*Nocenti tu cadisti abbandunata,  
Ma ntra sta terra mò si mindicata.*

*E addio lavuraturi martoriatu  
D'ogni misera, sufferenzi e peni:  
— Dormi, cà non s'è mai cchiù cumandatu,  
Languiri cchiù non senti lu tò beni!*

*Finiru li doluri e li martiri!  
Patroni e servi s'annu di mpurriri.*

*Orfani e proiettèji abbandunàti,  
Vu' fami e friddu cchiù non di suffrìti;  
La notti non vi scura strati strati;  
Ntra chista terra tranquilli dormiti.*

*Li figghji di riccùni e ncurunàti,  
Cumpagni vostri sù: sù mbermicati!*

*Ccà non ci su veiani e nò brasuni...  
Cù ndappi ndappi sacchi di dinari;*

Mò non ci sò nò gurdi e nò dijuni;  
Sutta sta terra simu tutti pari.

Se 'nvita non ci fu gustizia umana  
Sta fridda terra tutti cosi acchiàna!

Oh! di la Notti figghia, dura Morti,  
Cu l'ali aperti e lu faccigghiu a manu;  
Gentili Atropu, Parca di la sorti,  
Chiamàti a Sonnu lu vostru germanu,  
Chiamàti l'atru frati: Dio Distinu,  
Chiju chi porta lu gran libru a mano  
E cu la bend'al'occhi è di cuntinu;  
Cantati di l'eternu lu peànu (').

Cantatilu: — se nui non bi vidimu,  
Ntra l'anima, stu iornu, vi sentimu!

La Notti, vostra Mamma, già s'avanza...  
Cù lu sò velu niru a stiji d'oru...  
Manis (l'Umbri) alijanu li danzi!  
Lu dduccu canta: Quandu mi ndi muru?

La vita è nu passaggiu peniatu,  
La Morti è sonnu eternu indisturbatu.